



Broj: 08-04-11.2-2-328/23  
Datum: 15.03.2023. godine

Na osnovu člana 64. stav (1) tačka b), člana 70, stav (1), (3) i (6) i člana 89. Zakona o javnim nabavkama („Službeni glasnik BiH“ broj 39/14 i 59/22); a na prijedlog Komisije za javne nabavke utvrđen u Zapisniku o pregledu i ocjeni ponuda broj: 08-04-11.2-2-328/23 od 10.03.2023. godine, u postupku javne nabavke štampanog materijala, ministar donosi:

### **ODLUKU o izboru najpovoljnijeg ponuđača**

#### **Član 1.**

Prihvata se prijedlog Komisije za javne nabavke broj: 08-04-11.2-2-328/23 od 10.03.2023. godine i dodjeljuje se ugovor ponuđaču „Paper-Trade“ d.o.o. Tuzla, Drage Karamana 4, 75000 Tuzla u postupku javne nabavke štampanog materijala, objavljenog na Portalu javnih nabavki broj 1111-7-1-3-3-3/23 od 24.02.2023. godine.

#### **Član 2.**

Ova Odluka objavit će se na web stranici MUP-a TK-a, u skladu sa članom 70. stav (6) Zakona o javnim nabavkama BiH.

### **OBRAZLOŽENJE**

Odlukom o pokretanju postupka javne nabavke broj: 08-04-11.2-2-328/23 od 22.02.2023. godine, MUP TK-a je pokrenulo postupak konkurentskog zahtjeva za dostavu ponuda za nabavku štampanog materijala. Na Portalu javnih nabavki objavljeno je Obavještenje o javnoj nabavci broj: 1111-7-1-3-3-3/23 od 24.02.2023. godine.

Do krajnjeg roka za prijem ponuda koji je bio 07.03.2023. godine do 13:00 sati, zaprimljene su ponude sljedećih ponuđača: „Plan Plus“ d.o.o. Zenica, „Štamparija Fojnica“ d.d. Fojnica, „Svjetlost-bh print“ d.o.o. Sarajevo, „Banf“ d.o.o. Tuzla, „Harfo-Graf“ d.o.o. Tuzla i „Paper-Trade“ d.o.o. Tuzla.

Na osnovu Zapisnika komisije o pregledu i ocjeni ponuda broj: 08-04-11.2-2-328/23 od 10.03.2023. godine izvršena je analiza ponuda pri čemu je utvrđeno da su ponude ponuđača: „Plan Plus“ d.o.o. Zenica, „Štamparija Fojnica“ d.d. Fojnica, „Banf“ d.o.o. Tuzla, „Harfo-Graf“ d.o.o. Tuzla i „Paper-Trade“ d.o.o. Tuzla, prihvatljive za ugovorni organ dok ponuda ponuđača „Svjetlost-bh print“ d.o.o. Sarajevo nije prihvatljiva za ugovorni organ.

Shodno odredbi člana 2. stav (1) tačka 1) Zakona o javnim nabavkama („Službeni glasnik BiH“ broj 39/14 i 59/22) pri analizi ponude ponuđača „Svjetlost-bh print“ d.o.o. Sarajevo, ugovorni organ je ponudu ocijenio kao neprihvatljivu imajući u vidu činjenicu da ponudena cijena ponuđača od 36.601,60 KM bez PDV-a prelazi planirana, odnosno osigurana novčana

sredstva ugovornog organa za nabavku štampanog materijala a koja iznose 32.478,63 KM bez PDV-a.

Obzirom da je provođenje e-aukcije bilo predviđeno tenderskom dokumentacijom, Komisija za javne nabavke je izvršila rangiranje prihvatljivih ponuda prema kriteriju za izbor ponuda u početnoj ocjeni ponuda, te je zakazala početak e-aukcije u sistemu e-nabavke za dan 13.03.2023. godine u 13:00 sati, u trajanju od 10 minuta.

Po zaprimljenom Izvještaju o toku i završetku e-aukcije završene 13.03.2023. godine, Komisija je nastavila sa radom 15.03.2023. godine u 14:00 sati, te je nakon održane e-aukcije, primjenom kriterija najniže cijene iz dostavljenog Izvještaja o toku i završetku e-aukcije sačinila konačnu rang listu ponuđača koji su učestvovali u e-aukciji.

Red.broj	Naziv ponuđača	Konačna cijena u KM bez PDV-a	Rang
1.	“Paper-Trade” d.o.o. Tuzla	24.884,00	1
2.	“Banf” d.o.o. Tuzla	24.915,00	2
3.	“Harfo-Graf” d.o.o. Tuzla	25.384,00	3
4.	“Štamparija Fojnica” d.d. Fojnica	27.019,00	4
5.	“Plan Plus” d.o.o. Zenica	30.076,00	5

Primjenom kriterija najniže cijene za dodjelu ugovora, nakon održane e-aukcije i ocjene ponuda, Komisija predlaže ministru MUP-a TK-a da donese Odluku o izboru najpovoljnijeg ponuđača, te ugovor za javnu nabavku štampanog materijala dodijeli ponuđaču „Paper-Trade” d.o.o. Tuzla, Drage Karamana 4, 75000 Tuzla, s obzirom da je isti dostavio prihvatljivu ponudu s najnižom cijenom u iznosu od 24.884,00 KM bez PDV-a, odnosno 29.114,28 KM sa obračunatim PDV-om.

#### **Pouka o pravnom lijeku:**

Protiv ove Odluke može se izjaviti žalba u roku od 5 dana od dana prijema ove Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi. Žalba se podnosi u najmanje 3 primjerka.

#### **Dostaviti:**

- ponuđačima
- a/a



**MINISTAR**  
**Hajrudin Mehanović**